

Kei te poroporoaki a Aotearoa i te 3G.



Kua rite koe ki te huringa?

Pātuhi utukore i '3G' ki 550 hei whakarite kia noho hono tonu koe.



Ngā Waea Ohotata

Tē taea e ngā pūrere 3G-anake te patu waea, tae atu ki te 111, ā muri i te aukatinga.

He mea waiwai te hihira, te whakahou hoki i tō pūrere kia taea e koe te whakapā atu ki ngā ratonga ohotata.

Atu i te mutunga o te tau 2025, me te tīmatanga o 2026, ka aukatingia e ngā kaiwhakahaere pūkoro o Aotearoa ā rātou whatunga 3G. He hangarau tawhito te 3G e whakahoungia ana huri noa i te ao ki te 4G, ki te 5G hoki hei tuku i te wheako whirinaki ake, i te wheako tika mō te anamata hoki.



Ko wai e pāngia ana?

Ko ngā tāngata katoa e whakamahi tonu ana i tētahi pūrere e whirinaki ana ki te 3G, pērā i te waea pūkoro, i te paparorohiko, i te pūrere ka whakamaua rānei, i ngā pūoho hauora, i ngā pūoho whakahaumarua, haurapa rānei, i ērā atu pūrere pakihī IoT hoki, me whakahou i tāna pūrere kia noho hono tonu ai. E kore pea ētahi pūrere i hoko whakarotohia e mahi i tāna mahi i ngā whatunga pūkoro o Aotearoa; e hira ana te tū ki te mahi ināianei mā te hihira i tō pūrere i tēnei rā kia noho hono tonu ai koe mō te anamata.



He aha āku mahi hei whakarite?

- Hihiratia tō pūrere pūkoro:** Pātuhi utukore i '3G' ki 550 hei whakarite kia noho hono tonu koe.
- Tātaritia tō pakihī:** Hihiratia ngā pūnaha me te kōrero ki tō kaiwhakarato.
- Kia Whai Mōhio:** Torohia www.3Gshutdown.co.nz
- Horahia te kupu:** Whakaritea kia mōhio ō hoa, me tō whānau ki te huringa e haere ake nei.

Ako atu anō me te tikiake i ngā rauemi utukore ki www.3Gshutdown.co.nz

Torohia te pae tukutuku a tō kaiwhakarato waea pūkoro, haere ā-tinana ki te toa rānei mō te tautoko atu anō:



Ngā pātai auau



Me pēhea taku hihira mēnā rānei kua rite taku waea?

Ka pā atu te aukatinga 3G ki ngā kaiwhakarato waea pūkoro katoa i Aotearoa. Pātuhi utukore i '3G' ki 550 hei hihira i te tūnga o tō waea, ka whiwhi koe i tētahi pātuhi hei whakamōhio atu ki a koe mēnā rānei e pai noa ana tō waea, me aro rānei ki tō waea.



Me aha ahau mēnā kāore taku waea i te rite?

Tērā pea me whakahou koe i ō tautuhinga, i tō pūmanawa rānei, me whakamohoa rānei i tō pūrere. Mēnā ka mate koe ki te whakamohoa i tō pūrere, e wātea mai ana ngā kōwhiringa e māmā ana te utu. Uia ngā kaihoko waea pūkoro mō te whirinaki-3G ake.



Mēnā ka mate au ki te whakahou, e taea ana te hangarua i taku waea tawhito?

Āe. Ka taea te hangarua utukore i tō pūrere pūkoro tawhito ki a **RE:MOBILE**.

Neke atu i te 95% o ngā waehanga e taea ana te whakamahi anō. Ako atu anō, rapua te wāhi tuku e tino pātata ana ki a koe ki www.remobile.org.nz



He aha atu anō ngā pūrere e pāngia ana?

Ka mutu te mahi a ngā pūrere katoa e honoa ana ka whirinaki atu ki te 3G ā muri i te aukatinga. Kei roto pea i ēnei ko:

- Ngā paparorohiko
- Ngā wati atamai
- Ngā pūoho hauora
- Ngā pūoho haumarutanga
- Ngā pūaroturuki waka



Ka ahatia mēnā e noho ana au i tētahi wāhi kei konei te 3G anake i tēnei wā?

I mua i te aukatinga 3G, e whakahou ana ngā kaiwhakahaere waea pūkoro i ō rātou whatunga ki te 4G, ki te 5G hoki, puta noa i Aotearoa kia noho hono tonu koe, ā, i te nuinga o ngā wāhi, he pai ake atu anō tō wheako waea pūkoro.



Me hoko au i tētahi kāri SIM hou?

Mēnā kāore tō kāri SIM i te āhei ana ki te 4G, ka hiahia pea koe ki tētahi mea hou. Whakapā atu ki tō kaiwhakarato māna koe e āwhina ki te whakawhiti i tō tau ki tētahi SIM hou mēnā e hiahiatia ana.

Ako atu anō me te tikiake i ngā rauemi tautoko ki

www.3Gshutdown.co.nz

He pukameka māu nā te NZ Telecommunications Forum

